



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱԶԳԱՅԻՆ ԱՆՎՏԱՆԳՈՒԹՅԱՆ ԾԱՌ-ԱՅՈՒԹՅԱՆ
ՏՆՕՐԵՆԻ ՏԵՂԱԿԱԼ**

ք. Երևան, Նալբանդյան 104

« 17 » 02 2026թ.

N 20/118

Օր. N 1

«ԲԵՍԹ ՖԻՐՄ» ՍՊԸ-ի
տնօրեն Հ. Հարությունյանին
Հասցե՝ ՀՀ, Լոռու մարզ. ք. Վանաձոր, Գր. Լուսավորիչի Փ./Շ/53
ՀՎՀՀ՝ 06975627
էլ. հասցե՝ firm2025@mail.ru

Հարգելի՛ պարոն Հարությունյան,

ՀՀ ազգային անվտանգության ծառայության (այսուհետ՝ Գնորդ) և «ԲԵՍԹ ՖԻՐՄ» ՍՊԸ-ի (այսուհետ՝ Վաճառող) (ՀՎՀՀ 06975627, գործունեության հասցե՝ ք. Երևան, ՀՀ, Լոռու մարզ. ք. Վանաձոր, Գր. Լուսավորիչի Փ./Շ/53) միջև 06.02.2025 թվականին կնքվել է N «ՀՀ ԱԱԾ-ՏՆՏՎ-ԷԱՃԱՊՁԲ-25/1-ԿԳ-3» ծածկագրով պայմանագիրը (այսուհետ՝ Պայմանագիր) և դրա հիման վրա 06.03.2025 թվականին կնքված N 1 (11/172-2025) համաձայնագիրը (այսուհետ՝ Համաձայնագիր), համաձայն որի՝ Վաճառողը ստանձնել է ներքոհիշյալ ***Աղյուսակ 1-ում** ներկայացվող ապրանքների մատակարարման պարտավորությունը (այսուհետ՝ Ապրանք)՝ համաձայն Պայմանագրի անբաժանելի մասը կազմող N 1 հավելվածով սահմանված տեխնիկական բնութագրի և N 2 հավելվածով սահմանված մատակարարման ժամանակացույցի պահանջների:

*Աղյուսակ 1									
Կրկնաթիվ նախատեսված չափաբաժնի համարը	Ապրանքի								
	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	անվանումը	ընդհանուր գինը / ՀՀ դրամ	միավոր գինը / ՀՀ դրամ	ընդհանուր քանակը / չափման միավորը		մատակարարման		
							հասցեն	ենթակա քանակը	ժամկետը
4	38621300/501	հայելի՝ դիտողական	695999.50	9942.85	70	հատ	ք. Երևան, Արին Բերդի 3 նրբ. N5	70	Սույն համաձայնագիրը ուժի մեջ մտնելու օրվանից 120 օրացուցային օրվա ընթացքում
40	39292110/501	գրատախտակներ	249000.00	24900.00	10	հատ	ք. Երևան, Արին Բերդի 3 նրբ. N5	10	Սույն համաձայնագիրը ուժի մեջ մտնելու օրվանից 120 օրացուցային օրվա ընթացքում
42	44112660/501	վարագույրների քիվեր	294000.00	980.00	300	մետր	ք. Երևան, Արին Բերդի 3 նրբ. N5	300	Սույն համաձայնագիրը ուժի մեջ մտնելու օրվանից 120 օրացուցային օրվա ընթացքում

48	44421780/501	փաստաթղթերի արկղեր	399000.00	9975.00	40	հատ	ք. Երևան, Արին Բերդի 3 նրբ. N5	40	Սույն համաձայնագիրը ուժի մեջ մտնելու օրվանից 120 օրացուցային օրվա ընթացքում
54	33191220/501	վիրաբուժական սեղաններ	468000.00	468000.00	1	հատ	ք. Երևան, Արին Բերդի 3 նրբ. N5	1	Սույն համաձայնագիրը ուժի մեջ մտնելու օրվանից 120 օրացուցային օրվա ընթացքում

Պայմանագրի 1.1 կետի համաձայն՝ Վաճառողը պարտավորվել է Պայմանագրով սահմանված կարգով, ծավալներով, ժամկետներում և հասցեով Գնորդին մատակարարել Պայմանագրի N 1 հավելվածով՝ տեխնիկական բնութագրով նախատեսված ապրանքը՝ Պայմանագրի N 2 հավելվածով սահմանված մատակարարման ժամանակացույցին համապատասխան:

Պայմանագրի 2.4.1 և 2.4.4 կետերի համաձայն՝ Վաճառողը պարտավորվել է Գնորդին հանձնել ապրանքը՝ պայմանագրով նախատեսված կարգով, ծավալներով, ժամկետներում և հասցեով:

Պայմանագրի N 2 հավելվածով սահմանված մատակարարման ժամանակացույցի համաձայն՝ N N 4, 40, 42, 48 և 54 չափաբաժիններով Ապրանքների մատակարարման ժամկետ է սահմանվել համաձայնագիրը ուժի մեջ մտնելու օրվանից 120 օրացուցային օրվա ընթացքում՝ մինչև 03.07.2025թ.:

Վաճառողը 24.12.2025թ. թիվ 2 գրությամբ հայտնել է Գնորդին, որ 2025թ. փետրվարի 6-ին «ԲԵՍԹ ՖԻՐՄ» ՍՊԸ-ի և ՀՀ ազգային անվտանգության ծառայության միջև կնքված «ՀՀ ԱԱԾ-ՏՆՏՎ-ԷԱՃԱՊՁԲ-25/1-ԿԳ-3» պայմանագրի շրջանակում N 42 չափաբաժնով՝ 294000 (երկու հարյուր իննսունչորս հազար) ՀՀ դրամ ընդհանուր գումարի նախատեսված 300 մետր վարագույրների քիվերի մատակարարումը չի կարող իրականացնել, քանի որ նշված ապրանքները շուկայում առկա չեն, ուստի Վաճառողի կողմից հնարավոր չէ մատակարարել Պայմանագրով նախատեսված վարագույրների քիվերը:

ՀՀ քաղաքացիական օրենսգրքի (այսուհետ՝ Օրենսգրք) 347-րդ հոդվածի համաձայն՝ պարտավորությունները պետք է կատարվեն պատշաճ՝ պարտավորության պայմաններին, օրենքին և այլ իրավական ակտերի պահանջներին համապատասխան: Օրենսգրքի 408-րդ հոդվածի համաձայն՝ պարտավորության խախտում է համարվում այն չկատարելը կամ անպատշաճ (կետանցով, ապրանքների, աշխատանքների և ծառայությունների թերություններով կամ պարտավորության բովանդակությամբ որոշվող այլ պայմանների խախտմամբ) կատարելը:

Հիմք ընդունելով, «ԲԵՍԹ ՖԻՐՄ» ՍՊ ընկերության 24.12.2025թ. թիվ 2 գրավոր հավաստումը՝ Պայմանագրի N 42 չափաբաժնով ապրանքի մատակարարումից հրաժարվելու մասին և Պայմանագրի 8.11 կետը, ՀՀ ազգային անվտանգության ծառայությունը միակողմանի մասնակի՝ չմատակարարված N 42 չափաբաժնի ապրանքի մասով լուծում է 06.02.2025 թվականին կնքված N «ՀՀ ԱԱԾ-ՏՆՏՎ-ԷԱՃԱՊՁԲ-25/1-ԿԳ-3» ծածկագրով պայմանագիրը և դրա հիման վրա 06.03.2025 թվականին կնքված N 1 (11/172-2025) համաձայնագիրը:

«Գնումների մասին» օրենքի (այսուհետ՝ Օրենք) 6-րդ հոդվածի 1-ին մասի 6-րդ կետի «ա» պարբերության համաձայն՝ **մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը**, և մասնակիցը հրավերով և (կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարը:

«Գնումների մասին» օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու դեպքում պատվիրատուի ղեկավարի պատճառաբանված որոշման հիման վրա լիազորած մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում:

Տեղեկացնում ենք, որ եթե ՀՀ ազգային անվտանգության ծառայությանը որոշումը ներկայացվելու վերջնաժամկետը լրանալու օրվա դրությամբ Դուք վճարեք պայմանագրի և (կամ) որակավորման ապահովման գումարը, ապա ՀՀ ազգային անվտանգության ծառայությունը Ձեզ գնումների գործընթացին մասնակցելու իրավունք չունեցող մասնակիցների ցուցակում ներառելու պատճառաբանված որոշում չի կայացնի և չի ներկայացնի լիազորված մարմին:

Բացի այդ, «ԲԵՍԹ ՖԻՐՄ» ՍՊԸ-ն պարտավոր է սույն ծանուցումը ստանալուց հետո 5 (հինգ) բանկային օրվա ընթացքում ՀՀ ֆինանսների նախարարության կողմից բացված գանձապետական 900005028106 հաշվեհամարին Պայմանագրի 6.2 և 6.3 կետերի համաձայն փոխանցել 1617 (հազար վեց հարյուր տասնյոթ) ՀՀ դրամ՝ որպես տույժ և տուգանք:

Հաշվի առնելով վերոգրյալը՝ N «ՀՀ ԱԱԾ-ՏՆՏՎ-ԷԱՃԱՊՁԲ-25/1-ԿԳ-3» ծածկագրով պայմանագրի որակավորման և պայմանագրի ապահովումները, գնումների մասին ՀՀ օրենսդրությամբ սահմանված ժամկետում, ամբողջությամբ վճարվելու դեպքում, այդ մասին գրավոր տեղեկացնել ՀՀ ազգային անվտանգության ծառայությանը՝ կցելով վճարումը հավաստող փաստաթուղթը (անդորրագրի բնօրինակը):

Տեղեկացնում ենք, որ եթե «ԲԵՍԹ ՖԻՐՄ» ՍՊ ընկերության (ՀՎՀՀ 06975627, գործունեության հասցե՝ ՀՀ, Լոռու մարզ. ք. Վանաձոր, Գր. Լուսավորիչի Փ./Շ/53) կողմից վճարման ենթակա գումարները (պայմանագրի կատարման ապահովման գումարը՝ 30000 (երեսուն հազար) ՀՀ դրամ և որակավորման ապահովման գումարը՝ 45000 (քառասունհինգ հազար) ՀՀ դրամ փոխանցվեն ՀՀ ֆինանսների նախարարության կողմից բացված 900005000758 գանձապետական հաշվեհամարին, ապա Ընկերության նկատմամբ չեն կիրառվի «Գնումների մասին» օրենքի 6-րդ հոդվածի 1-ին մասի 6-րդ կետով և նույն հոդվածի 2-րդ մասով նախատեսված՝ ընկերությանը գնումների գործընթացին մասնակցելու իրավունք չունեցող մասնակիցների ցանկում ընդգրկվելու վերաբերյալ համապատասխան գործողություններ:

Ա. Հակոբյան